

曲陽縣新志卷之三

建置志論

劉師峻曰昔先王之建國也制爲都邑以聚其民
又設險以守之所以固民志而彊本也本彊而教
立又爲官師以董之使民知禮義而慎犯法長子
孫而重去其鄉蓋父兄之教先子弟之率謹也如
是而爲之長上者坐而治之引綱維略條目以無
事者還之閭閻而天下固已晏然矣是故長民者

當先植其本所謂本者正已也正已以爲庶物表
則不必戶說而皆知六德六行之可貴矣夫如是
異端曲學又孰從而亂之正道熾邪說熄吾道尊
於神明治化浹於遠邇大法小廉所自基也倉庾
因陳獄訟衰息周言成康漢言文景以此頌

聖神請自此一隅始作建置志

出陽縣新志

建置志

城池

城始築於唐至德間郭汾陽李臨淮

舊志云見於

城隍廟碑前無攷訓導覽祺亦有碑今並失矣

周

五里一十三步高三丈濶三丈五尺池深一丈濶

二丈外有堤並牆後遭兵燹金大定中知縣李本

魯端仁修之明正統間又燬於亂景泰二年知縣

田興重修正統六年流賊騷動畿輔知縣王賓增
角樓四嘉靖二十四年知縣周寅又以城垛皆土
易圯始易爲甃共垛口一千五百四十八嘉靖三
十二年雨城壞知縣楊早重修隆慶三年積雨城
壞知縣陳可大增修萬曆十五年秋大雨城盡圯
知縣鮑獻書僉夫役修之三十五年秋雨壞城
縣許東周募夫修築崇禎十五年北道多盜城
揚音改易垛口增大甃以灰實之尚十七年

百七十有八

本朝順治十年大雨十一年又雨積月城壞什之六七
知縣葛綏修葺先用亂石固其下趾增設窩鋪共
一十有九城身高二丈七尺根厚一丈六尺上濶
六尺垛口及高無異又大砲臺三小砲臺二十有
四門樓四角樓四腰鋪十護城牆一城濠一濠濶
一丈五尺深一丈二尺至康熙十一年六月大雨
旬日城又壞什之三四知縣劉師峻捐貲募夫並

不重累民間一錢親督修葺如舊

門五

東曰啓明明嘉靖三十六年知縣龍玠始開名曰
迎春崇禎十五年知縣楊音重修改今名

南曰迎薰初曰鎮遠有重門天啓三年通判賈芳
改今名

又南曰阜民今小南門也不知始於何時明

四十六年知縣崔應夏開崇禎九年知縣

塞後從民便開塞每不一云

西南曰臨漪在北嶽廟前俗稱曰午門是也

西曰西華今永塞

北曰拱極初曰望嶽明萬曆三十六年知縣許東

周重修改今名

建置志

公署

縣治在城內東北偏宋遼因之後燬於兵燹金大定中知縣李永魯端仁修復明洪武六年知縣朱琳重修天順三年知縣畢玉增思補堂成化間知縣喬良修嘉靖二十二年知縣周寅修

本朝順治十年知縣葛綏重修

廳事三楹前有戒石亭儀門三楹儀門外東有土

地祠三楹其南馬廐十間舊係空地順治十二年
知縣葛綏增置以養官馬又南爲寅賓館門一楹
館三楹正南爲大門上有譙樓下有公直房民壯
巡風班房

廳事之前東西向者爲吏書房廳東庫房三間庫
樓一座廳西兵仗庫三間又西爲典史廳

廳事之後東有錢庫一間供招房一間

間西有看庫房三間正北卽忠補堂

有記見藝文志

後宅堂三楹堂後又內堂五楹東房三間西房三間內堂之後舊有小亭一間康熙十一年三月知縣劉師峻復廣大之新城涂西題之曰蒂陰亭有記載藝文志亭之北有堂三楹仍其舊內堂之西舊有廚房土庫各二自後宅堂東有羣房二間西羣房二間再迤西折而南舊有方亭一明萬曆三十六年知縣許東周建今移而南向亭之南有堂

五楹舊云曝背窩又南有堂三楹今並移而南向
此皆退食讀書處也方亭西北舊有羣房十餘間
康熙十一年知縣劉師峻軫念民力禁革一切火
夫水夫名色捐俸鑿大井一於宅之西北隅其泉
甘冽可給百人名曰井井今有記見藝文志

縣丞宅在廳事之東北隅有廳三楹廳前書辦房
二間阜隸房二間儀門一楹大門一楹後宅內房
三楹東西廂房各三間又後房二間

開元縣丞林士贊改建

典史宅在廳事西南隅有廳二楹書辦門子房
間二堂三間東小房一間三堂并號房共三間後
宅內房五楹廚房二間西書房三間

旌善亭在縣大門外之東明萬歷三十年知縣趙
岱改建

申明亭在縣大門外之西知縣趙岱改建

蘭相如祠在縣治之東門一楹祠三楹有碑記

管關通判廳在縣治東南歲久今圯廢

東察院在縣治東其建已久

西察院在縣治西南明嘉靖四十年知縣周威建
萬曆三十六年知縣許東周重修添設門房四間
新察院在西街嶽廟旁明萬曆十七年知縣鹽欽
書建

理刑廳在西察院東舊爲太僕寺管關通判駐

萬曆三十六年知縣許東周別建

理刑公署凡巡方按臨繕冊則理刑端

陰陽學在縣西舊爲預備倉地明萬曆三十七年
知縣許東周改建今廢

惠民局在縣東舊爲儒學大門明萬曆三十七年
知縣許東周改建儒學大門於文廟東奎星樓下
今從之

僧會司在縣西南大明禪寺

道會司在嶽廟總元宮

中火亭在縣南三十里邸村堡按曲陽南距新樂六十里中無停驂之所公私過者率多露處明萬曆三十六年知縣許東周建堂舍十有二

演武場在縣北一里許明萬曆二十一年知縣

四教建廳三楹